

編號 07 號

【阿公个傢啦伙事】謝惠如原作

逐朝晨在二樓洗牙齒洗面後，赴時赴刻愛去學校讀書。落來飯廳食朝時，就會堵著去田<sup>1</sup>町<sup>1</sup>做一畝事<sup>2</sup>，轉來食朝个阿公，添著一碗飯傍豆腐乳、地豆，係無就膠昨暗晡食伸个菜暖燒來食。佢講食餓頭膠糜毋會飽，扇一堆屎就肚屎枵咧，做事个耕田人，愛食飯正會飽，肚屎飽正做有事。

一臺 26 鏈个自行車，後輪頂高个載貨鐵架仔特別大，裝菜个大竹籃有三尺長、二尺闊、尺半深，放在車仔頂高用籬索捆纏，載成百斤菜無問題。阿公講：「後生時對屏東騎這臺自行車載菜去高雄賣，打早點零鐘出發，三點空就到鳳山賊仔市<sup>3</sup>。」一頂笠嫻、一副手袖仔、一條蒙面<sup>4</sup>个大手巾、一雙靴筒、褲頭攝一條手巾仔，車頭町挽一隻農藥行送个塑膠家濟袋，放茶膠做事愛用著个東西。

屋下田四圍个隔壁鄰舍，全部都種檳榔樹，做得賣盡多錢，省工又好管理，阿公聽著，又乜跔等種菁仔樹。田肚有起一間工寮，逐年六、七月份菁仔生產期，價數好當分賊仔偷割，阿公膠阿婆

<sup>1</sup> 田町：音 tien nen<sup>5</sup>；田裡。

<sup>2</sup> 一畝事：音 rhid chud she；工作一段落。

<sup>3</sup> 賊仔市：音 ced'er shi+；貨類多又便宜，搶買人潮很多的批發大市場。

<sup>4</sup> 蒙面：音 miang'mien<sup>5</sup>；遮臉。

就會去工寮睡，順續掌菁仔，寮仔肚係有點電火，就證明有人在，賊仔就會驚，毋敢來偷割。

菁園草靚時，阿公會用胸前揸食汽油个自動割草機，膠草割到亮亮光光<sup>5</sup>，看起來鬆爽。割草時，頭那蒙大手巾，頸筋以下著圍身裙，驚彈起來个草屑仔打著目珠，面町戴防護目鏡，伸到地泥个割草鐵棍，底座有一隻圓形个鐵盤，做得安刀片割草，又乜做得安牛筋抑係鋼線來修草。夏秋時雨水多，驚田肚肥份高个泥油流忒，就放佢生草保護田場，阿公講會發風搓个時節，愛膠草和平相處，田力正做得保持，落水後愛膠田缺挖開來將雨水排忒，田正毋會分水浸到凝塘<sup>6</sup>。

寮仔脣个泵浦<sup>7</sup>間係放抽水个馬達，還有一組電動个洩農藥機，一年透冬檳榔樹愛洩三到五擺農藥，係無介殼蟲膠紅蜘蛛會膠樹身挺著毋會開花。佢長下會看著佢去農會買台肥 43 號肥料，用揸在肚屎前个塑膠施肥桶，一頭一頭去委，聽講用 43 號肥料，菁仔剖白肉時，會有較多个白肉菁，做得賣較多錢。

耕田个阿公傢啦伙事特別多，屋下膠田町都看得著。

<sup>5</sup> 亮亮光光：音 lang' lang' gong' gong<sup>5</sup>；平整光亮。

<sup>6</sup> 凝塘：音 kien tong；泥土浸泡水太久會成變爛泥巴。

<sup>7</sup> 泵浦：音 pong' pu<sup>5</sup>；一種用以增加液體或氣體的压力，使之輸送流動的機械。